



Uorden da taxas tier la lescha da baghegiar

C u n t e g n

I.	Determinaziuns generalas	3
Art. 1	Principi	3
Art. 2	Petent	3
Art. 3	Cuosts supplementar	3
Art. 4	Cass specials	3
Art. 5	Adattaziun da taxas	3
II.	Taxas	4
Art. 6	Taxas	4
Art. 7	Taxas tier spazzadas da baghetgs	4
Art. 8	Negina taxa	5
Art. 9	Pareris ed expertisas	5
Art. 10	Scadenza	5
Art. 11	Tscheins da retard	5
III.	Determinaziuns finalas	5
Art. 12	Vigur	5

Sebasond sin art. 109 dalla lescha da baghegiar en combinaziun digl art. 90 dil reglament da fatschenta relai l'istanza da baghegiar il suandont uorden da taxas:

I. Determinaziuns generalas

Art. 1 Principi

¹ Quest uorden fixescha tuttas taxas che seresultan dallas proceduras da baghegiar sco era ulteriuras proceduras dalla polizia da baghegiar.

² Tuttas funcziuns e lavurs digl uffeci da baghegiar e dalla cumissiun da baghegiar ein suttamessas a taxas aschilunsch ch'ellas ein stipuladas en quest uorden.

³ Ei la taxa per ina funcziun, in survetsch, ina lubientscha ni ina decisiun buca menziunada, sa la vischnaunca incassar ina taxa tenor il temps impundiu.

Art. 2 Petent

La taxa paga quel che caschuna la lavur respectivamein l'expensa.

Art. 3 Cuosts supplementar

Ultra dallas taxas fixadas sa la vischnaunca incassar ulteriurs cuosts ch'ina fatschenta caschuna.

Art. 4 Cass specials

¹ Ils cuosts che seresultan dalla tractaziun da protestas vegnan adossai al recurrent, sche la protesta vegn refusada ni sch'ei vegn buca entrau sin il cass. En quei mument sto il recurrent pagar supplementarmein ina indemnizaziun extraufficiala al petent.

² Resalvau restan taxas per lubientschas supplementaras e per examinaziuns ecologicas a norma dalla legislaziun speciala respectiva.

Art. 5 Adattaziun da taxas

Stattan las taxas fixadas en quest uorden buca en relaziun cun la lavur impundida, sa l'istanza da baghegiar adattar ellas commensuradamein.

II. Taxas

Art. 6 Taxas

¹ Per la tractaziun d'ina damonda da baghegiar e las controllas sco era per ulteriuras prestaziuns dall'istanza da baghegiar vegn incassau las suandontas taxas

- a) Per summas d'investiziun entochen frs. 1'000'000.-- munta la taxa a 2.0 ‰, minimalmein frs. 100.--.
- b) Per la cumpart dalla summa d'investiziun che survarga frs. 1'000'000.-- munta la taxa 1.5 ‰.
- c) Per damondas da baghegiar che vegnan retratgas e buca exequidas, resalva la cumissiuin il dretg da quintar al petent tut las spesas ed il temps impundiu cun frs. 95.00 per ura, denton minimalmein frs. 100.--.
- d) Per damondas da baghegiar che ston vegnir refusadas, vegn quintau tenor temps impundiu cun frs. 95.00 per ura, min. frs. 50.--.
- e) Per decisziuns preliminaras tenor temps impundiu, denton minimalmein frs. 100.--.
- f) Prolungaziuns dalla lubientscha da baghegiar minimalmein frs. 100.-- tochen 10 % dalla taxa dalla lubientscha da baghegiar.
- g) Annunzias da baghegiar tenor art. 40 dall'ordinaziun davart la planisaziun dil territori per il cantun Grischun (OPTGR) vegn quintau ina taxa per la lavur administrativa da frs. 30.--
- h) Lubientschas supplementaras per midadas da project tenor temps impundiu cun frs. 95.-- per ura, denton minimalmein frs. 50.--.
- i) Lavurs supplementaras ed uatgas che seresultan pervia da munconza da plans ni tralascadas enviers lubientschas e prescripziuns, sco era controllas supplementaras digl uffeci da baghegiar pervia da munconzas, midadas da project sunter collaudaziun entras l'istanza da baghegiar, vegnan quintadas tenor il temps impundiu cun frs. 95.-- per ura, minimalmein denton frs. 50.--
- j) Per controllas dil mussament d'energia vegn quintau ina taxa pauschala da frs. 200.--.
- k) Taxas per tractar revers ni cunvegnientschas che ston vegnir purtadas el cudisch funsil en connex cun in project da construcziun inoltraus minimalmein frs. 50.--.
- l) Taxas dalla polizia da fiug, taxas dallas corperaziuns d'aua, taxas dil cantun per lubientschas da baghegiar ordeifer la zona da baghegiar (BAB) ni autras taxas d'in uffeci cantunal ni federal, vegnan adossadas al petent.

² Las taxas dallas lubientschas da baghegiar vegnan fixadas sin fundament dalla summa d'investiziun previda, indicada ella damonda da baghegiar. En cass d'ina midada considerabla da quella summa, sa la taxa vegnir modificada posteriuramein conform alla valeta nova tenor schazetg uffical.

Art. 7 Taxas tier spazzadas da baghetgs

¹ Per spazzadas da baghetgs ordeifer la zona da baghegiar vegn incassau negina taxa. Per spazzadas enteifer la zona da baghegiar vegn incassau frs. 100.--.

² Tier tut las spazzadas da baghetgs sto vegnir annunziav alla istanza da baghegiar tgei che capetta cul sulom e co il terren vesa ora suenter la spazzada.

Art. 8 Negina taxa

Neginas taxas vegn adossau a damondas da baghegiar che cumpeglian la vischnaunca e pleivs ni per indrezs che surveschan al generalesser.

Art. 9 Pareris ed expertisas

Ils cuosts per pareris, expertisas, lavurs da mesiraziun, eventuals cuosts dil register funsil e.a.v. vegnan adossai al petent.

Art. 10 Scadenza

Las taxas per la lubientscha da baghegiar sco era eventuals auters cuosts en connex cun la lubientscha da baghegiar ein da pagar enteifer 30 dis suenter la retschavida dil quen.

Art. 11 Tscheins da retard

Per pagaments da taxas retardai vegn incassau in tscheins da retard suenter la scadenza dil quen.

III. Determinaziuns finalas

Art. 12 Vigur

¹ Quest uorden ei vegnius approbaus dall'istanza da baghegiar en la seduta dils 18 da zercladur 2013 e passa en vigur cun ils 1 da fenadur 2013.

² Cun la vigur da quest uorden vegnan eventualas directivas davart las taxas per las proceduras da baghegiar cassadas.

Per l'istanza da baghegiar

Il president
sig. Robert Bundi

Igl actuar
sig. Peter Bearth